

ИНФОРМАТОР О РОБОТИ

Покраїнски секретарият за спорт и младеж

март 2021.



Република Србија
Автономна Покрајина Војводина
Покрајински секретаријат за спорт и младеж

ИНФОРМАТОР О РОБОТИ

марец, 2021.

ЗМІСТ


1. ОСНОВНИ ПОДАТКИ О ДЕРЖАВНИМ ОРГАНУ И ИНФОРМАТОРУ	3
2. ОРГАНІЗАЦІЙНА СТРУКТУРА.....	4
3. ОПИС ФУНКЦІЙОХ СТАРШИНОХ.....	7
4. ОПИС ПРАВИЛОХ У ВЯЗИ З ЯВНОСЦУ РОБОТИ.....	8
5. ОПИС КОМПЕТЕНЦІЙОХ, ОВЛАСЦЕНЬОХ И ОБОВ'ЯЗКОХ	8
6. ПОСТУПАНЕ У РАМИКОХ КОМПЕТЕНЦІЙОХ, ОВЛАСЦЕНЬОХ И ОБОВ'ЯЗКОХ	11
7. ПРЕДПИСАНЯ ХТОРИ СЕКРЕТАРИЯТ ПРИМЕНЮЄ У СВОЄЙ РОБОТИ	12
8. УСЛУГИ ХТОРИ ОРГАН ДАВА ЗАІНТЕРЕСОВАНИМ ОСОБОМ	13
9. ПОСТУПОК З ЦИЛЬОМ ДАВАННЯ УСЛУГОХ.....	14
10. ПРЕПАТРУНОК ПОДАТКОХ О ДАТИХ УСЛУГОХ	15
11. ПОДАТКИ О ПРИХОДОХ И РОЗХОДОХ.....	16
12. ПОДАТКИ О ЯВНИХ НАБАВКОХ.....	16
13. ПОДАТКИ О ДЕРЖАВНЕЙ ПОМОЦІ	16
14. ПОДАТКИ О ВИПЛАЦЕНИХ ПЛАЦОХ, ЗАРОБКОХ И ДРУГИХ ПРИМАНЬОХ	16
15. ПОДАТКИ О СРЕДСТВОХ ЗА РОБОТУ	16
16. ЧУВАНЕ НОШАЧОХ ІНФОРМАЦІЙОХ	16
17. ФАЙТИ ІНФОРМАЦІЙОХ У ПОШЕДУ	17
18. ФАЙТИ ІНФОРМАЦІЙОХ ГУ ХТОРИМ ДЕРЖАВНИ ОРГАН ОМОЖЛІВЮЄ ПРИСТУП.....	17
19. ІНФОРМАЦІЇ О ПОДНОШЕННЮ ВИМАГАННЯ ЗА ПРИСТУП ГУ ІНФОРМАЦІЙОМ	17

1. ОСНОВНИ ПОДАТКИ О ДЕРЖАВНИМ ОР҃АНУ И ИНФОРМАТОРУ

•	Назва ор҃ана	Покраїнски секретарият за спорт и младеж
•	Шедзиско	Нови Сад, Булевар Михайла Пупина 16
•	Матичне число	08752893
•	ПИЧ	102085420
•	Е-пошта	sport@vojvodina.gov.rs mladi@vojvodina.gov.rs
•	Особа хтора одвичательна за точносц податкох з информатора	Дане Баста, покраїнски секретар за спорт и младеж
•	Перше обявйованє	юлий 2006.
•	Остатня вименка информатора	марец 2021.
•	Дзе мож достац друковану верзию	Покраїнски секретарият за спорт и младеж Нови Сад, Булевар Михайла Пупина 16, прижеме/канцелария 11
•	Веб-адреса на хторей ше находзи информатор	www.sio.vojvodina.gov.rs

2. ОРГАНІЗАЦІЙНА СТРУКТУРА

1. ГРАФІЧНИ ПРИКАЗ



1.

2. НАРАТИВНИ ПРИКАЗ ОРГАНІЗАЦІЙНЕЙ ЄДИНКИ

По Правилніку о нукашней організації и систематизації роботних местох у Покраїнским секретарияту за спорт и младеж (у дальшим тексту: Секретарият), як основни організацийни єдинки Секретарияту, формує ше штири сектори:

- СЕКТОР ЗА ОБЩИ ПРАВНИ И МАТЕРИЯЛНО-ФИНАНСИЙНИ РОБОТИ;
- СЕКТОР ЗА СПОРТ;
- СЕКТОР ЗА МЛАДЕЖ;
- СЕКТОР ЗА УПРАВЯНЕ З ИНФРАСТРУКТУРНИМА ПРОЄКТАМИ.

Сектор за общи правни и материялно-финансийни роботи

Сектор за общи правни и материялно-финансийни роботи окончує тоті роботи: нормативно-правни и студийно-аналитични роботи хтори ше одноша на пририхтованє актох за Скупштину АП Войводини, Покраїнску владу и актох з компетенції Секретарияту у обласци спорта и младежи; вирабя ше поєдинечни акти (контракти и други акти у вязи зоз вимаганнями хасновательох бюджетних средствох); общи правни и административни роботи з ділокругу Секретарияту; дава ше інформації од явней значносци з компетенції Секретарияту; спортски инспекторе окончую надпатрунок над запровадзованьом Закона о спорту и других предписаньох з обласци спорта; витворює ше сотрудніцтво з республичними органами, органами покраїнскей управи и органами єдинкох локалней самоуправи и окончує други роботи з обласци общей управи. Тот сектор тиж окончує и: материялно-финансийни роботи; програмоване и плановане билансу потребох за реализацию поставених цильох у обласци спорта и младежи; роботи у вязи зоз пририхтованьом и вивершеньом бюджету або финансийного плану; водзи ше діловни кніжки и прави рахунководствени звити, як и инши финансийно-материялни роботи у вязи з витворйованьом роботох и задаткох Секретарияту. У обласци инвестицйох окреме заступени финансийни роботи у вязи з вибудову, опреманьом и отримованьом спортских обектох од интереса за АП Войводину.

У Секторе за общи правни и материялно-финансийни роботи ше формує два узши нукашні єдинки:

- Група за общи правни роботи;
- Група за материялно-финансийни роботи.

Окончователь длужносци помощніка покраїнского секретара за общи правни и материялно-финансийни роботи то **Гойко Вукоє**.

Число занятых у секторе за общи правни и материялно-финансийни роботи: седем – 7 (число предвидзене зоз систематизацию: седем – 7).

Сектор за спорт

Сектор за спорт окончує тоті роботи: обезпечує витворйованє потребох и интересох гражданох у обласци спорта; вирабя анализи за розвой и унапредзене олимпийского и неолимпийского спорта, школского, университетского и спорта за шицких; утвердзує виполненосц условйох за окончоване спортских діялносцох організацийох у обласци спорта з території АП Войводини; утвердзує виполненосц условйох за організоване спортских манифестацийох на території АП Войводини; утвердзує обекти од интереса за АП Войводину и мерадла за додзельованє бюджетних средствох за їх вибудов, отримованє и опреманє; утвердзує предлоги програмох медзинародних спортских змаганьох од интереса за АП Войводину; утвердзує мири и активносци за промоцию и стимулованє заніманя гражданох зоз спортом, окреме дзецох, младежи, женох и особох з инвалидитетом на території АП Войводини; утвердзує предкладаня за наградзованє и припознаня за посцигнути спортски

результати і доприношене ґу розвою спорта у АП Войводини; утвердзує предкладаня за стипендії младим перспективним спортсистом з АП Войводини; водзи евиденції у обласци спорта и други работи з обласци спорта; окончує работи пририхтованя и имплементованя стратегії розвою спорта АП Войводини, як и имплементованя других стратегийох за борбу против неґативних зявеньох у спорту (насилство, допинґ, нелегалне ставене); окончує информатични работи за потреби евиденцийох з обласци спорта – призберує податки и статистично их обрабля.

У Секторе за спорт ше формує два узши нукашні єдинки:

- Група за розвой олимпийского, параолимпийского спорта и медзинародни змаганя;
- Група за розвой неолимпийского, школского, университетского и рекреативного спорта.

Окончователь длужносци помоцніка покраїнского секретара за спорт то **Ласло Корманьош**.

Число занятых у секторе за спорт: седем – 7 (число предвидзене зоз систематизацию: седем – 7).

Сектор за младеж

Сектор за младеж окончує тоти работи: предклада мири и активносци за обезпечене условийох за участвоване младих у виробку и запровадзованю акційного плану за младих; предклада мири за стимуловане младих же би активно участвовали у дружтвених цекох, преїґ афирмации младежских активносцох и потримовки тим активносцом у АП Войводини; предклада мири и активносци за стимуловане здруженьох младих, здруженьох за младих и установох за младих же би участвовали у запровадзованю младежской политики, з уключованьом вибудови капацитетох здруженьох младих на території АП Войводини; предклада організоване обучованьох, семинарох, конференцийох и манифестацийох з обласци младежской политики хтори од окремого интереса за АП Войводину; стара ше и провадзи роботу основних и штредніх школах у АП Войводини з цильом наградзованя найуспишнейших талантованих школярох хтори посцигли вершински резултати на змаганьох у жеми и иножемстве у обласци науки, техніки, уметносци и спорта; предклада мири и активносци за запровадзоване акційного плану политики за младих на території АП Войводини; пририхтує інформацію о имплементации и отримуюцосци акційного плану политики за младих у АП Войводини; вирабля анализи о потребох унапредзеня положеня младих у АП Войводини; координує и запровадзує мири и активносци за стимуловане здруженьох младих, здруженьох за младих и установох за младих же би участвовали у запровадзованю младежской политики; координує організоване обучованьох, семинарох, конференцийох и манифестацийох з обласци младежской политики хтори од окремого интереса за АП Войводину.

Окончователь длужносци помоцніка покраїнского секретара за младеж то **Деяна Васич**.

Число занятых у секторе за младеж: три – 3 (число предвидзене зоз систематизацию: три – 3).

Сектор за управяне з инфраструктурними проектами

Сектор за управяне з инфраструктурними проектами окончує работи хтори ше одноша на: пририхтоване, виробок и реализацию проектох, як и контролю реализации проектох у обласци вибудови, отримованя и опреманя спортских обектох и инфраструктури од значносци за АП Войводину; координацию з єдинками локальной самоуправи хтори уключени до проектох; сотрудніцтво з другима державними органами и институциями; пририхтоване програмох и планох за реализацию стратегийних документох за проекти; виробок звитох, анализох и обвисценьох хтори ше одноша на проекти у обласци вибудови, отримованя и опреманя спортских обектох и инфраструктури и други работи з ділокругу того сектора; выполненосц

умовийох за хасноване явних спортских теренох и виробок мерадлох за додзельоване бюджетних средствох за вибудов, отримоване и опремане спортских обектох и інфраструктури од значносци за АП Войводину.

Окончователь длужносци помоцніка покраїнського секретара за управяне з інфраструктурними проектами то **Загорка Петрович Златанович Гигич**.

Число занятых у секторе за управяне з інфраструктурними проектами: штири – 4 (число систематизованих роботних местох: штири – 4)

3. ОПИС ФУНКЦИЙОХ СТАРШИНОХ

Покраїнски секретар

Зоз Секретариятом руководзи покраїнски секретар, хторого вибера и розришує Скупштина АП Войводини, на предкладане председателя Покраїнскей влади.

Покраїнски секретар член Покраїнскей влади, хтори задлужени за руководзене зоз покраїнским секретариятом. Вон представя покраїнски секретарият, організує и обезпечує окончоване роботох на ефикасни способ, приноси акти за яки є овласцени и одлучує о правох, длужносцох и одвичательносцох занятых.

Покраїнському секретарови мандат престава з преставаньом мандату председателя Покраїнскей влади, зоз задзекваньом або розришеньом.

Функцию покраїнського секретара за спорт и младеж окончує **Дане Баста**.

Заменік покраїнського секретара

Заменік покраїнського секретара заменює покраїнського секретара и помага покраїнському секретарови у рамикох овласценьох хтори му вон одредзи. Заменіка вибера Скупштина АП Войводини, на мандатни период на штири роки.

У случаю длугшей зопартосци покраїнського секретара, цо ма констатовац Покраїнска влада, заменік заменює одсутного покраїнського секретара. Покраїнски секретар може овласциц заменіка покраїнського секретара же би присуствовал и участвовал у роботи на схадзкох Покраїнскей влади, без права гласу.

Заменіца покраїнського секретара за спорт и младеж то **Татяна Єчменица Євтич**.

Подсекретар

Секретарият ма подсекретара хтори за свою роботу одвитує покраїнському секретарови и хтори помага покраїнському секретарови у управяню зоз кадровима, финансовима, информатичними и другима роботами и у усоглашованю роботи нукашніх єдинкох у Секретарияту, и хтори сотрудзує з другима органами.

Подсекретара поставя Покраїнска влада на штири роки, на предкладане покраїнського секретара.

Окончователь длужносци подсекретарки Секретарияту то **Аранка Биндер**.

Помоцніки

У Секретарияту ше може поставяц помоцнікох покраїнського секретара.

Помоцнік покраїнського секретара руководзи зоз заокружену обласцу роботи Секретарияту, за хтору ше формує сектор, а за свою роботу одвитує покраїнському секретарови.

Помоцніка покраїнського секретара поставя Покраїнска влада на штири роки, на предкладане покраїнського секретара, по предписаньох яки ше одноша на покраїнских службенікох на руководзацим роботним месце.

Секретарият ма штирох (4) окончовательох длужносци помоцніка.

Покраїнски секретар формує колегиум, як совитодавне цело. Колегиум твора покраїнски секретар, заменік покраїнського секретара, подсекретар и руководителе секторох.

4. ОПИС ПРАВИЛОХ У ВЯЗИ З ЯВНОСЦУ РОБОТИ

Явносц роботи, виключоване и огранічоване явносци роботи Секретарияту ше витворює у складзе з одредбами Закона о тайносци податкох („Службени глашнік РС“, число 104/2009) и предписанями яки принешени за запровадзоване того закона. Приступ оможлівени гу шицким информациейом з якими Секретарият розполага, окрем гу податком гу яким – у складзе з важацима предписанями о заштити податкох о особи – може приступиц лем особа хтору овласцел руководитель Секретарияту.

Особа хтора овласцена за поступане по вимаганьох за приступ гу информациейом то Елена Папич, советніца за общи правни роботи.

5. ОПИС КОМПЕТЕНЦИЙОХ, ОВЛАСЦЕНЬОХ И ОБОВЯЗКОХ

Зоз членами 134. и 135. **Закона о спорту** („Службени глашнік РС“, число 10/16) утвердзени потреби и интереси автономней покраїни у обласци спорта на шлїдуюци способ.

„Член 134.

Потреби и интереси гражданох у обласци спорта за чийо ше витворйоване обезпечує средства у бюджету автономней покраїни, у складзе зоз тим законом, тоти:

- 1) вибудов, опремане и отримоване спортских обектох з якими ше доприноши гу розвою спорта на території авономней покраїни, односно обезпечує условия за розвой вершинского спорта на території автономней покраїни (спортски обекти од значносци за автономну покраїну);
- 2) промововане и стимуловане занїманя гражданох зоз спортом, окреме дзецох, младежи, женох и особох з инвалидитетом, на території автономней покраїни;
- 3) организоване спортских змаганьох од значносци за автономну покраїну;
- 4) творене условийох за розвой вершинскей спортскей творчосци и унапредзене квалитету роботи з младима спортскими талантами на території автономней покраїни;
- 5) школски спортски змаганя на уровню автономней покраїни;
- 6) діялносц Покраїнского заводу и других организацийох у обласци спорта чий снователь автономна покраїна;
- 7) активносци покраїнских спортских союзох од значносци за автономну покраїну;
- 8) розвой спортских конарох хтори од окремней значносци за автономну покраїну;
- 9) зоперане негативних зявеньох у спорту (допинг, насилство и непримерене справоване, намесцане спортских резултатох и др.) на уровню автономней покраїни и унапредзене заштити здравя спортистох;

- 10) фахово-спортски сходи, вигледовацко-розвойни и наукововигледовацки проєкти и видаване спортских публикацийох од значносци за автономну покраїну;
- 11) унапредзене фаховей роботи у организацийох у обласци спорта з території автономней покраїни;
- 12) награди и припознання за посцигнути спортски резултати и доприношене гу розвою спорта у авотномней покраїни;
- 13) стипендії за спортске усовершоване категорованих спортистох, окреме перспективних спортистох;
- 14) призбероване и дистрибуция податкох у обласци спорта од значносци за автономну покраїну, укључуюци периодични тестованя и провадзене, у анонимизованей форми, стану физичних способносцох дзеццох, младежи и одроснутих на території автономней покраїни;
- 15) други потреби и интереси гражданох у обласци спорта од значносци за автономну покраїну, хтори утврдзи автономна покраїна преїг своїх органаох.

Ношитель програми з яку ше обезпечує витворйоване потребох и интересох гражданох у автономней покраїни не може за финансване истих активносцох конкуровац и за средства од другого уровня власци у Републики Сербїї.

Член 135.

Автономна покраїна, преїг своїх органаох, у складзе зоз законом:

- 1) обезпечує витворйоване потребох и интересох гражданох у обласци спорта на території автономней покраїни зоз члена 134. того закона;
- 2) ушорює и водзи евиденції у обласци спорта од значносци за автономну покраїну;
- 3) утврдзує спортски обекти од значносци за автономну покраїну;
- 4) обезпечує условия за роботу, односно окончоване діялносци Покраїнского заводу и других организацийох у обласци спорта чий снователь автономна покраїна;
- 5) утврдзує преїг хторих ше покраїнских спортских союзох задовольує потреби и интереси гражданох на території автономней покраїни кед у єдним спортским конаре регїстровани вецей покраїнски конарово спортски союзи и утврдзує хтори спортски конари од окремней значносци за автономну покраїну;
- 6) ушорює блїжей условия за хасноване явних спортских теренох на території автономней покраїни;
- 7) окончує инспекційни надпатрунок над запровадзованьом того закона на території автономней покраїни, у складзе зоз законом.

Роботи зоз пасуса 1. точки 6) и 7) того члена ше окончує як зверени.

У евиденцийох зоз пасуса 1. точка 2) того члена ше можу водзиц лем одвитууюци податки о особи зоз члена 168. пасус 4–6. того закона, з тим же ше на водзене евиденцийох и хасноване податкох з евиденцийох сходно применює одредби члена 168. пасус 15–19. того закона.”

Зоз членом 25. **Закона о младих** („Службени глашнік РС”, число 50/2011) утврдзени потреби и интереси автономней покраїни у обласци младежи на таки способ:

„Член 25.

Финансоване потребох и интересох младих у автономней покраїни ше окончує у складзе з интересами и потребами автономней покраїни и ей економскима можлівосцама, и то за:

- 1) забезпеченє умовийох за участованє младих у виробку и запровадзованю покраїнського акційного плану за младих;
- 2) стимулованє младих же би активно участовали у дружтвених цекох през афирмацию и потримовку младежских активносцох на території автономней покраїни;
- 3) стимулованє здруженьох младих, здруженьох за младих и союзох же би участовали у запровадзованю младежской политики, укључуюци вибудов капацитетох здруженьох младих, на території автономней покраїни;
- 4) організованє обучованьох, конференційох и манифестаційох з обласци младежской политики хтори од окремого интереса за автономну покраїну.

За витворйованє потребох и интересох младих зоз пасуса 1. того члена средства ше забезпечує у бюджету автономней покраїни.

Компетентни орган автономней покраїни бліжей ушорює условия и способ додзельованя средствох з бюджету автономней покраїни, односно одобрваня проєктох за витворйованє потребох и интересох младих на території автономней покраїни и способ явного обявйованя податкох о предложених програмох и проєктох за финансованє, одобрених програмох и проєктох и реализації одобрених програмох и проєктох.”

Зоз членом 42. *Покраїнской скупштинской одлуки о покраїнской управи* („Службени новини АПВ”, число 37/2014 и 54/2014 – друге предписанє, 37/2016 и 66/2020) утверджене шлідующе:

„Член 42.

Покраїнски секретариат за спорт и младеж, у складзе зоз законом и Статутом, окончує роботи покраїнской управи у обласци спорта и младежи, хтори ше одноша на пририхтованє актох за Скупштину або Покраїнску владу, а зоз хторима ше ушорює питаня од покраїнской значносци у спорту, физичней култури и у обласцох у вязи зоз интересом младих.

У обласци спорта: забезпечує витворйованє потребох и интересох гражданох у обласци спорта яки утвердзени зоз законом; утвердзує спортски обекти и програми медзинародних спортских змаганьох хтори значни за АП Войводину, снує організації за окончованє спортских діялносцох од интереса за АП Войводину и окончує сновательни права над німа; бліжей ушорює условия за окончованє спортских діялносцох організаційох у обласци спорта и хаснованє явних спортских теренох; утвердзує преїг хторих ше покраїнских спортских союзох задоволює потреби и интереси гражданох на території АП Войводини, кед у єдним спортским конаре реєстровани вецей покраїнски конарово спортски союзи и утвердзує хтори спортски конари окреме значни за АП Войводину; водзи евиденції у обласци спорта; утвердзує виполненосц умовийох за організованє спортских манифестаційох и забезпечує условия за роботу, односно окончованє діялносци Покраїнского заводу за спорт и медицину спорта и других організаційох у обласци спорта.

Покраїнски секретариат за спорт и младеж окончує вивершни, фахово и розвойни роботи покраїнской управи и окончує инспекційни надпатрунок над запровадзованьом предписаньох з обласци спорта. У обласцох зоз свойого ділокруга, провадзи, надпатра и помага роботи установох и явних службох чий снователь АП Войводина.

Покраїнски секретариат за спорт и младеж провадзи и потримує роботу здруженьох младих и за младих, союзох, як и локалних канцеларийох за младих; снує Совет за младих АП Войводини и координує його роботу, у складзе зоз законом, пририхтує програми и предклада мири за унапредженє положеня младих у складзе з акційним планом политики за младих; потримує проєкти з обласци хтори значни за младих; предклада установйованє наградох з обласци спорта и младежи, наградзує спортистох за витворени спортски резултати, додзелює

стипендії перспективним спортсменом і нагороджує талантованих і успішних дітей і молодіж у АП Войводини і континуовано потримувє їх розвиток.

Покраїнський секретаріат за спорт і молодіж у обласці спорту, у складзе зоз законом, окончує зверени роботи державней управи, хтори зоз законом зверени органом АП Войводини.

Покраїнський секретаріат за спорт і молодіж окончує други роботи кед му тото зоз законом, покраїнську скупштинську одлуку або другим предписаньом зверене.”

6. ПОСТУПАНЄ У РАМИКОХ КОМПЕТЕНЦІЙОХ, ОВЛАСЦЕНЬОХ И ОБОВ'ЯЗКОХ

У вязи зоз розличними обласцями роботи, хтори условює комплексносць матерії хтору провадзи, у Секретаріату ше окончує студийно-аналитични, нормативно-правни, инспекційни, інформатични, матеріялно-фінансійни, документацийни, статистично-евидентційни, фахово-оперативни і административни роботи.

У обласці **студийно-аналитичних роботох**, у Секретаріату ше вирабля інформації, платформи, звіти і други матеріяли у обласцох спорту і молодіжскей політики, як і за потреби роботи Покраїнскей влади, з цільом провадження роботи медзинародних організаційох і інституційох, окреме у поглядзе європських інтеграційох; тиж, вирабля ше інформації, звіти і други матеріяли за Покраїнську владу, або за роботу цело Скупщини АП Войводини у обласцох спорту і молодіжи.

У обласці **нормативно-правних роботох** ше окончує роботи виробку предлогах актох хтори приноси Покраїнська влада або нарисогах актох хтори приноси або прилапює Скупщина АП Войводини, а хтори з ділокругу роботи Секретаріату, дава думаня на акти хтори пририхтую други покраїнські органи, вирабля акти у вязи з роботу Секретаріату (правилніки і упутства), дава фахове думанє у вязи з актами спортських організаційох, союзох, організаційох младих і за младих итд.

У обласці **інформатично-документацийних роботох** ше окончує роботи правеня базох податкох з ділокругу Секретаріату, а окреме бази спортських організаційох, спортських обектох, спортських центрех на території АП Войводини, пририхтує і ажурює податки за интернет-сайт Секретаріату і оможлівює доступносць гу податком і інформаційом з активносцох і роботи Секретаріату, дава потримовку занятим за роботу на рахункарох, односно за хаснованє апликаційох, сотрудзує з Управу за заєдніцки роботи, ІТ сектором і други інформатични роботи з цільом окончованя задаткох і роботох Секретаріату, дава потримовку і планує дзвиганє інформаційних капацитетох у покраїнських конарових союзох, молодіжских здруженьох итд.

У обласці **матеріялно-фінансійних роботох** ше окончує роботи виробку фінансійного плану Секретаріату, звіти о вивершеню фінансійного плану, фінансійней документації за реализацию явних набавкох зоз средствох Секретаріату, пририхтує вимаганя за одобрєне плаценя фінансійних обов'язкох (ЗПО), пририхтує, контролює реализацию і евидентує документацію у вязи з реализацию шлицких фінансійних обов'язкох з ділокругу Секретаріату.

У обласці **статистично-евидентційних роботох** ше водзи тоті евиденції:

- евиденцію покраїнських конарових союзох, клубох – членох покраїнських конарових союзох;
- евиденцію календара змаганьох покраїнських конарових союзох, спортських фаховцох і фаховкиньох у спорту, резултатох змаганьох;
- евиденцію добитнікох награди „Момчило Тапавица”;

- евиденцію наградзених спортистох, стипендистох и їх тренерох;
- евиденцію спортских обектох (напр. спортских центрох, школских спортских обектох – основни школи);
- евиденцію здруженьох младих и за младих;
- евиденцію наградзених школярох и їх менторох.

У обласци **фахово-оперативних и административних роботох** ше водзи и чува документацию и окончує други роботи у вязи з роботу Секретарияту.

7. ПРЕДПИСАНИЯ ХТОРИ СЕКРЕТАРИЯТ ПРИМЕНЮЄ У СВОЕЙ РОБОТИ

1. Устав Републики Сербии („Службени глашник РС”, число 98/2006);
2. Статут Автономней Покраїни Войводины („Службени новини АПВ”, число 20/2014);
3. Закон о спорту („Службени глашник РС”, число 10/2016);
4. Закон о младих („Службени глашник РС”, число 50/2011);
5. Закон о утвердзованю компетенцийох Автономней Покраїни Войводины („Службени глашник РС”, число 99/09, 67/2012 – одлука Уставного суда число IУз-353/2009);
6. Закон о шлебодним приступе гу информациейом од явней значносци („Службени глашник РС”, число 120/2004, 54/2007, 104/2009 и 36/2010);
7. Покраїнска скупштинска одлука о покраїнскей управи („Службени новини АПВ”, число 37/2014, 54/2014 – друге предписанє, 37/2016 и 66/2020);
8. Покраїнска уредба о плацох, надополненю трошкох, трошкох одсиланя и других приманьох поставених и занятих особох у органах Автономней Покраїни Войводины („Службени новини АПВ”, число 27/2012, 35/2012, 9/2013, 16/2014, 40/2014, 1/2015, 44/2015, 61/2016, 30/2017, 26/2018, 28/2019, 16/2020 и 68/2020);
9. Одлука о хаснованю мена „Войводина” („Службени новини АПВ”, число 10/2005);
10. Закон о занятих у автономних покраїнох и єдинкох локалней самоуправи („Службени глашник РС”, число 21/2016, 113/2017, 95/2018 и 113/2017 – др. закон).

Сектор спорт

- Закон о спорту („Службени глашник РС”, число 10/2016);
- Закон о утвердзованю компетенцийох АП Войводины („Службени глашник РС”, число 99/2009 и 67/2012 – Одлука Уставного суда число I UZ353/2009);
- Правилник о категоризации покраїнских спортских союзох од значносци за АП Войводину („Службени новини АПВ”, число 5/2017);
- Ришенє о категоризации спортских союзох од значносци за АП Войводину;
- Ришенє о покраїнских конарових союзох од окремней значносци за АП Войводину;
- Правилник о блїзших условийох и критериюмох за стипендованє спортистох и усoвершoванє спортских фаховцох у АП Войводины („Службени новини АПВ”, число 26/2018);
- Покраїнска скупштинска одлука о додзельованю рoчнoгo припoзнаня у обласци спорта („Службени новини АПВ”, число 64/16 и 46/2017);
- Правилник о номенклатури здравствених услoгoх на примарним уровню здравствених заштити („Службени глашник РС”, число 17/2013, 32/2015 и 43/2016).

Сектор младеж

- Закон о младих („Службени гласник РС”, число 50/2011);
- Правилник о условийох и способе додзельованя бюджетних средствох за финансване потребох и интересох младих у АП Войводини („Службени новини АПВ”, число 3/17, 17/2018 и 36/2018);
- Национална стратегија за младих за период од 2015. по 2025. рок („Службени гласник РС”, число 22/2015);
- Одлука о установљованю награди за талантовани дзеци, школярох и младеж („Службени новини АПВ”, число 6/1997);
- Правилник о критериумох и способе наградзovanja талантованих школярох („Службени новини АПВ”, число 8/2016);
- Одлука о наградзovanю талантованих школярох основних и штредних школох („Службени новини АП”, число 17/2005).

Инше

- Правилник о нукашней организацији и систематизацији работних местох у Покрајинским секретаријату за спорт и младеж, число: 116-021-124/2016-01, од 22. новембра 2016. року, на хтори Покрајинска влада дала согласносц 25. новембра 2016. року (сайт ПС за спорт и младеж), Правилник о вименкох Правилника о нукашней организацији и систематизацији работних местох у Покрајинским секретаријату за спорт и младеж число: 116-021-58/2018-01 року, од 21. децембра 2018. року, на хтори Покрајинска влада дала согласносц 3. януара 2019. року и Дополненя Правилника од 6. новембра 2020. року, на хтори Покрајинска влада дала согласносц 25. новембра 2020. року и вименки Правилника число: 116-021-8/2021-01, на хтори Покрајинска влада дала согласносц 27. януара 2021. року;
- Одлука о кодексу справованя у покрајинских орґанох („Службени новини АПВ”, число 9/2013);
- Правилник о поступку нукашнього алармованя у Покрајинским секретаријату за спорт и младеж;
- Правилник о организацији бюджетного рахунководства;
- Информацији од явней значносци;
- Колективни контракт за орґани АП Войводини („Службени новини АПВ”, число 58/2018, 4/2019, 24/2020 и 6/2021).

8. УСЛУГИ ХТОРИ ОРґАН ДАВА ЗАИНТЕРЕСОВАНИМ ОСОБОМ

Услуги хтори дава Секретаријат тоті:

- финансване проектох и програмох з обласци спорта у АП Войводини;
- финансване потребох и интересох младих у АП Войводини;
- даване фахових думаньох о питаньох зоз свойого ділокругу;
- инспекційни надпатрунок у обласци спорта;
- даване согласносци на хасноване мена „Войводина” у обласци спорта и младежи.

9. ПОСТУПОК З ЦИЛЬОМ ДАВАННЯ УСЛУГОХ

Финансоване проектх и програмох у обласци спорта и потребх и интересох младих у АП Войводини

За финансоване проектх и програмох у обласци спорта и потребх и интересох младих у АП Войводини Секретарият розписує конкурси кажди рок.

Вимагання за финансоване проектх або програмох з ділокругу Секретарияту ше доручує на апликацийних формуларох у зависносци од файти проекта чийо ше финансоване вимага. Формулари мож найсц на интернет-сайту Секретарияту. На сайту мож найсц правилніки по хторих ше додзелює средства, а у хторих дефиновани субекти, способ подношеня вимагання, критериюми за одлучоване и поступок по одобрених и одбитих предкладаньох проектх, евалуацию, звити о наменковим трошеню средствох итд.

Конкурси, формулари и одлуки ше обявює на сайту Секретарияту.

У складзе зоз Покраїнску скупштинску одлуку о покраїнских административних таксох („Службени новини АПВ”, число 20/2009), подношители вимаганьох длужни – при подношеню вимагання – плациц таксу 320,00 динари (тарифне число 1), як и по обвисценю же по вимаганю позитивно ришене, плациц и таксу на ришене у висини 400,00 динари (тарифне число 5).

НАДПОМНУЦЕ: На основи **ПОКРАЇНСКОЙ СКУПШТИНСКОЙ ОДЛУКИ О ПОКРАЇНСКИХ АДМИНИСТРАТИВНИХ ТАКСОХ** („Службени новини АП Войводини”, число 20/2009), на вимагання яки поднешени покраїнскому орґану ше плаци покраїнску административну таксу. **Од плаценя такси ошлебодзени правни особи хтори начишлени у члену 15. спомнутей одлуки (напр. школи, орґани локалней самоуправи, установи).**

ТАКСУ НА ВИМАГАНЄ можеце плациц з общу уплатніцу, з тима податками.

Приматель: Бюджет АП Войводини

Наменка: Покраїнска административна такса (ПАТ) на вимагане

Сума: 320 динари

Число рахунку: 840-1572845-61 поволанка на число: 97 62-09424-74223100

ДОКАЗ О ПЛАЦЕНЕЙ ТАКСИ ШЕ ПРИКЛАДА ҐУ ВИМАГАНЮ!

Нетаксовани або недостаточнo таксовани вимагання – **ШЕ НЕ БУДЗЕ РОЗПАТРАЦ.**

НА РИШЕНЄ хторе приноси покраїнски секретар за спорт и младеж ше наплацує покраїнску административну таксу **400 динари** (у складзе зоз тарифним ч. 5). Тоту таксу странка плаци **ПРЕД ПРИНОШЕНЬОМ РИШЕНЯ**, а **потим як цо ше ю обвисци же ей вимагане будзе позитивно ришене.** Уплацує ше на исти рахунок як и таксу на вимагане.

Даване согласносци на хасноване мена „Войводини”

По Одлуки о хаснованю мена „Войводини” („Службени новини АПВ”, число 10/2005), як и члена 42. Покраїнскей скупштинскей одлуки о покраїнскей управи („Службени новини АПВ”, число 37/2014, 54/2014 – друге предписане, 37/2016, 29/2017, 24/2019 и 66/20), Секретарият компетентни за даване согласносци на хасноване мена „Войводини” у обласци спорта и

младежи. У поступку давання согласносци на хасноване мена, кед странка тото не зробела при подношеню вимаганя, поволує ше ю уплатиц покраїнску административну таксу по таксовей тарифи на дзень подношеня вимаганя. Таксова тарифа за видаванє рішеня о согласносци за хасноване мена „Войводина”, по Покраїнскей скупштинскей одлуки о покраїнских административних таксох, виноши 365.170,00 динари (тарифне число 12).

Инспекційни надпатрунок у обласци спорта у АП Войводина

Роботи у поглядзе инспекційного надпатрунку регуловани зоз членами од 169. по 174. Закона о спорту („Службени глашнік РС”, число 10/2016) и одредбами Закона о инспекційним надпатрунку („Службени глашнік РС”, число 36/2015, 44/2018 – др. закон и 95/2018).

10. ПРЕПАТРУНОК ПОДАТКОХ О ДАТИХ УСЛУГОХ

Ришованє по вимаганьох за финансованє

Секретариат одлучує по поединечних вимаганьох спортских организацийох, як и младежских организацийох, а хтори ше одноша на финансованє їх активносцох и проектох.

Окрем того, Секретариат одлучує и по вимаганьох за финансованє вибудови, опреманя и отримованя спортских обектох у АП Войводина.

Конкурси у 2020. року	число приятих вимаганьох	позитивно ришени	негативно ришени	число пригваркох	число прилапених пригваркох	число вращаня средствох
Конкурс за финансованє рочних програмох покраїнских конарових спортских союзох и союзох з обласци спорта	56	55	1	0	0	0
Конкурс за финансованє окремих програмох покраїнских конарових спортских союзох и союзох з обласци спорта	63	39	24	0	0	0
Конкурс за финансованє програмох з якими ше доприноши гу розвою спорта у АПВ	166	65	101	0	0	0
Конкурс за финансованє участвованя и организовања спортских манифестацийох од интереса за АПВ	41	14	27	0	0	0
Конкурс за финансованє афирмациї женох у спорту	88	68	20	0	0	0
Конкурс за финансованє окремих програми Афирмациї школского и универзитетского спорта у АП Войводина	27	14	13	0	0	0
Конкурс за финансованє окремих програмох/проектох у обласци вибудови, отримованя и опреманя спортских обектох у АП Войводина	74	36	38	0	0	0
Конкурс за реализацию програми «Фонд за таланти»	16	10	6	0	0	0
Конкурс за финансованє проектох потримовки снованя и моцненя работи канцеларийох за младих	21	12	9	0	0	0
Конкурс за финансованє проектох потримовки запровадзованю младежскей политики	196	60	136	0	0	0
Вкупно	748	373	375	0	0	0

11. ПОДАТКИ О ПРИХОДОХ И РОЗХОДОХ

Полни текст Покраїнської скупштинської одлуки о бюджету Автономней Покраїни Войводини за 2018. рок ше находзи на сайту Покраїнского секретариату за финансиї, на шлідующей интернет-адреси: <http://www.psf.vojvodina.gov.rs/>

12. ПОДАТКИ О ЯВНИХ НАБАВКОХ

У складзе зоз Законом о явних набавкох („Службени глашнік РС”, число 91/2019), а з оглядом на тото же Секретариат не ма набавки чия преценена вредносц векша як вредносци хтори предписани зоз Законом о явних набавкох, Секретариат не ма обовязку применювац одредби того закона.

13. ПОДАТКИ О ДЕРЖАВНЕЙ ПОМОЦИ

Секретариат – у рамикох своїх компетенційох яки дефиновани у члену 42. Покраїнської скупштинської одлуки о покраїнської управи („Службени новини АПВ”, число 37/2014, 54/2014 – друге предписане, 37/2016), участвує у финансваню проєктох у обласци спорта и младежской политики. Медзитим, природа тих видвойованьох з бюджету не представя „державну помоц”, у смислу Закона о контроли державней помоци и Уредби о правилах за додзельоване державней помоци. При тим, думама на факт же тоти видвойованя не виполнюю условия з якими дефиноване поняце „державней помоци” у спомнутим закону и спомнутей уредби.

14. ПОДАТКИ О ВИПЛАЦЕНИХ ПЛАЦОХ, ЗАРОБКОХ И ДРУГИХ ПРИМАНЬОХ

У пририхтованю.

15. ПОДАТКИ О СРЕДСТВОХ ЗА РОБОТУ

Финансийни средства

Финансийни средства за роботу Секретариату ше обезпечує з бюджетом Автономней Покраїни Войводини. Сума финансийних средствох хтора на розполагованю за роботу ше находзи у Финансийним плану РС за спорт и младеж, у рамикох програмней активносци 1005.

16. ЧУВАНЕ НОШАЧОХ ИНФОРМАЦИЙОХ

Ношачи информацийох, з якими розполага Секретариат, хтори настали у його работи або у вязи з його роботу ше чува на шлідуючи способ:

- **Архива зоз предметами:** у Писарніци Покраїнської влади;
- **Електронска база податкох:** у просторийох Секретариату;
- **Финансийни документи** о плаценю за потреби Секретариату и документацию у вязи з виплацованьом плацох занятих у Секретариату;

- **Досиєи занятих:** у Управи за заєднічки роботи покраїнских орґанох – Служба за управяне з людскимма ресурсамаи;
- **Инша паперова документация:** (документацию о реґистрації орґана, отвераня ПИЧ, о набавки опреми и других средствох за роботу Секретарияту, финансийну документацию, окрема тей хтору ше чува у Покраїнским секретарияту за финансий) ше чува у просторийох Секретарияту.

17. ФАЙТИ ИНФОРМАЦИЙОХ У ПОШЕДУ

Правни предписаня (закон и подзаконски акти) з обласци ділокругу роботи Секретарияту.

Информацияи, звити и други документи Секретарияту, хтори розпатрали и прилапели Покраїнска влада и Скупштина АП Войводина.

Документи хтори ше одноша на роботу Секретарияту.

Заклучени контракти з другимма орґанизациямаи и институциямаи.

Фотографияи з дзепоедних подійох у орґанизации Секретарияту.

18. ФАЙТИ ИНФОРМАЦИЙОХ ГУ ХТОРИМ ДЕРЖАВНИ ОРґАН ОМОЖЛІВЮЄ ПРИСТУП

Приступ гу информациейом од явней значносци ше оможлівює по правилу без ограніченя. Приступ гу информациейом ше може прикрациц лем у складзе з одредбамаи члена 10. и 14. Закона о шлебодним приступе гу информациейом од явней значносци („Службени глашнік РС”, число 120/2004, 54/2007, 104/2009 и 36/2010).

19. ИНФОРМАЦИЈІ О ПОДНОШЕНЮ ВИМАГАНЯ ЗА ПРИСТУП ГУ ИНФОРМАЦИЈОМ

На основи члена 15. Закона о шлебодним приступе гу информациейом од явней значносци, гледач подноши вимагане у писаней форми орґану власци за витворйоване права на приступ гу информациейом од явней значносци. Вимагане ма облапяц назву орґана власци, мено, презвиско и адресу гледача, односно електронску адресу, кед гледач жада же би ше му информацию послало у електронскей форми. Вимагане ма облапяц цо прецизнейши опис информациии хтору ше пита, а може облапяц и други податки з якими ше олегчує находзене питаней информациии. У вимаганю, гледач тиж треба же би наведол у якей форми жада же би ше му питани информациии видало. Гледач не муши навесц причини за доручоване вимаганя.

Кед вимагане не шорове, овласцена особа орґана власци длужна – без надолполненя – поуциц гледача як може тоти недолпатки одстраніц, односно гледачови доручиц упутство о дополненю. Кед гледач не одстрані недолпатки у чаше 15 дньюх по доставаню упутства о дополненю, а недолпатки таки же по вимаганю не мож поступац, орґан власци принеше заклучене о одбиваню вимаганя пре нешоровосц.

Приступ гу информациейом орґан власци длужен оможлївиц на основи усного вимаганя гледача хторе ше сообщує до записніку, при чим ше таке вимагане уноши до окремаей евиденциии и применює термини як кед би було поднешене у писаней форми.

Согласно члену 16. Закона о шлебодним приступе гу информацией од явней значности, орган власци длужен без одкладаня, а найпознейше у чаше 15 дньох по приманю вимаганя, гледача обвисциц чи ма тоти информации, дац му на увид документ у хторим питана информация, односно видац му або послац копию того документа.

Кед ше вимагане одноши на информацию за яку ше може предпоставиц же вона од значности за защиту живота або шлебоди даякей особи, односно загрожованя або защиты здравя жительство и животного штредку, орган власци муши обвисциц гледача о пошедованю тей информации, дац му на увид документ хтори облапя питану информацию, односно видац му копию того документа найпознейше у чаше 48 годзинох од приманя вимаганя.

Вимагане за приступ гу информацией од явней значности хтори ше одноша на Секретариат або хтори настали у вязи зоз його роботу и хтори ше находза на даяким документу хтори у пошеду Секретариату, мож поднесц Секретариату на даеден з тих способох:

- у писаней форми, на поштанску адресу: Покраїнски секретариат за спорт и младеж, 21000 Нови Сад, Булевар Михайла Пупина 16;
- особне, на писарніци Покраїнскей влади, Нови Сад, Булевар Михайла Пупина 16 од 9 до 14 годзин;
- по електронскей пошти, на адресу sport@vojvodina.gov.rs або mladi@vojvodina.gov.rs.

Вимагане за приступ гу информацией од явней значности, жалбу и инши формулари можеце найсц на сайту Повереніка за приступ гу информацией од явней значности и защиту податкох о особи, як и на сайту Секретариату.

Одвичательна особа за приступ гу информацией од явней значности то Елена Папич, советніца за общи правни работи.

Формулари

Вимагане за приступ гу информации од явней значности

<http://www.poverenik.rs/images/stories/formulari/dostupnostinformacija/zahtevcir.doc>

Жалба против одлуки органа власци – з яку одбите або одручене вимагане за приступ гу информацией

<http://www.sio.vojvodina.gov.rs/images/Dokumenta/2016/InfoJavniZnacaj/zalbanaodlukucir.doc>

Жалба кед орган власци не поступел у целосци/по вимаганю гледача у законским термину

<http://www.sio.vojvodina.gov.rs/images/Dokumenta/2016/InfoJavniZnacaj/zalbacutanjecir.doc>

Приклад тужби против повереніка

<http://www.sio.vojvodina.gov.rs/images/Dokumenta/2016/InfoJavniZnacaj/tuzbaprotivpoverenikacir.doc>